

四庫全書

史部

欽定四庫全書

史部
欽定大清會典則例卷一百十七

詳校官檢討_臣劉 烜

編修_臣程嘉謨覆勘

總校官原任中允_臣王燕緒

校對官中書_臣朱 烜

謄錄監生_臣李學瞻

欽定四庫全書

欽定大清會典則例卷一百十七

兵部

職方清吏司

公式二

八旗

一章奏文冊康熙十一年題準內外旗員有不
繫密事妄稱密奏及借公行私以私事具奏者

降二級調用其一應本章有不應密而密者罰俸六月○雍正五年議準在京八旗除行文傳集在京官員人等不用封套外凡咨行部院衙門及外省一應公文均加封套實封事關重大者釘封至駐防將軍都統副都統等題奏本章事關緊要者將副本揭帖用密封字樣封固投遞通政使司咨行各旗及各部院並與屬官來往公文繫緊要事亦用密封以上內外都統將

軍副都統等收到緊要密封公文均親拆收貯
如將應密之事不密以致洩漏重者降一級留
任輕者罰俸九月○六年議準八旗衙門封印
前一日於空紙及封套上豫行用印登記數目
該都統等收貯以備封印後遇有緊要之事填
用仍登記用過數目開印日將未用者驗明銷
燬有借端作弊者交部治罪該都統等不行詳
察罰俸六月○又議準印文及出關票引有遺

失者官罰俸三月兵鞭五十均仍補給○十一年議準八旗各官具摺奏事奉有

硃批諭旨者在京即行恭繳在外於下次奏事之便

封固恭繳若任意遲延及隱匿不繳者革職○

十二年奏準差往馬場副都統起程之前將空

紙封套鈐用本旗都統印信酌量足用數目帶

往以備咨行之用回日將用過數目開明知照

都統存案未用者當面銷燬倘有遺失者將差

往副都統罰俸三月○又議準八旗傳事印文傳畢即行取回銷燬倘不察收致人藉以夜行者承辦官罰俸兩月若將豫備傳事印文收貯不謹被人竊去夜行者承辦官罰俸六月○乾隆三年奏準外任將軍都統副都統等奉有

硃批諭旨未及恭繳之先有緣事降革及病故者於回旗之日或本人或親屬呈明該旗都統等代為恭繳如隱匿收存察出治罪○七年奏準諸

王貝勒貝子公等有行文該旗之事該長史並辦理家務之人列名用府屬叅領關防送至該旗其有行文部院各衙門者用府屬叅領關防送至該旗由該旗用印轉行如長史等不鈐用叅領關防仍用白文及該旗將白文接受者各罰俸一年○又議準旗員造報錢糧文冊並不明晰明白以致款項不符者降一級調用轉報官罰俸一年將軍都統等罰俸六月將軍都統

等覈叅者將造報轉報之人議處若文冊內數目舛錯遺漏者造報官罰俸一年都統及轉報官各罰俸六月繫將軍都統等自行造報有舛錯遺漏者亦罰俸六月至造報舛錯遺漏非關錢糧之案者造報官罰俸六月轉報官罰俸三月

一儀制八旗官員僭用引馬及馬項繁纓者罰俸六月該管官知而不禁者罰俸三月○又定

鑾儀衛儀仗如有遺失者掌衛事內大臣鑾儀使各罰俸三月該管冠軍使雲麾使治儀正整儀尉各罰俸九月損壞不呈請更換者該管冠軍使以下各官皆罰俸一月○又定

陵寢儀仗等物有遺失者該管官罰俸九月損壞不呈請更換者罰俸一月○康熙四十二年覆準旗員於應用朝服之日不用及違例錯用者罰俸一月○雍正二年覆準旗員恭遇

陞殿慶典及迎接

詔書有失誤不到者罰俸六月所司已接部寺等衙門知會不即傳知者亦罰俸六月接

駕不到及常朝不到者罰俸一月至朝賀齊集各官有班行不正跪立不齊者罰俸一月稽察官不舉報者議處之例同○八年議準凡遇祭祀

壇

廟應行陪祀各官由部於前期數日將八旗都統副都

統等繕名籤恭請

欽點八人稽察齋戒祀畢仍將陪祀各官開列奏

聞若應陪祀各官無故不行齋戒或已開齋戒不至

齊集處者罰俸一年該管大員不行察叅者罰

俸六月若臨期後至不及陪祀者罰俸一月○

又議準官員遇常朝日托故不到者罰俸一月

未朝詐稱已朝者罰俸一年捏供同朝之官罰

俸兩月其已注病不在家他出者罰俸一年至

無故出城過宿失誤朝期者革職如因婦孺醫
病等事不及進城者罰俸一月○十三年奏準
旗員文武兼任者文職品級大用文職補服武
職品級大用武職補服如品級相同用文職補
服違者罰俸六月該管官知而不禁者罰俸三
月補服與帽頂坐褥不相符者亦照此例議處
○乾隆元年議準朝會齊集之日看守

午門

端門

闕門各官不將閒雜書役人等攔阻聽其肆行出入者察由何門出入將該管門官罰俸一月至坐班行禮之際各官僕從令該旗所委驍騎校並看守朝房之步軍尉盡行逐出如不行逐出經稽察官叅奏將該驍騎校步軍尉及僕從之主各罰俸一月○三年奏準大朝大祀日暨車駕出入各官僕從肆行喧譁爭競衝突擁擠者拏

交刑部杖一百其主罰俸三月常朝日有肆行
喧譁爭競衝突擁擠者交刑部杖六十其主罰
俸一月至在內執事人並大臣侍衛之僕從犯
者交各該管衙門治罪○又議準喪儀齊集之
處有失誤不到者罰俸六月所司已接承辦衙
門知會不即傳知者亦罰俸六月○七年奏準
旗員有瘋疾者令其親屬看管疾愈之後該管
官仍留心試看一年果已全愈方準上朝其

大內監工及守衛

紫禁城之處永停差委在外仍行差委若疾愈未過一年即令上朝或仍差委

大內監工守衛

紫禁城者該管官罰俸九月○又奏準八旗婚喪等事所用器物有違例僭越者繫官罰俸一年常人鞭五十失察之佐領驍騎校各罰俸六月領催族長鞭三十族長繫官亦罰俸六月該管

叅領副叅領罰俸三月該管大員及察旗各官不行察出者皆罰俸兩月若有一處察出皆準免議○又議準八旗官兵服色均有定制如僭用五爪龍立龍圓補服之類者繫官革職兵及閒散人交刑部治罪僭用之物入官未經察出之佐領驍騎校每案罰俸三月叅領副叅領每二案罰俸三月都統副都統每三案罰俸三月領催族長鞭五十若奴僕有犯交刑部治罪其

主繫官罰俸三月常人鞭五十該管各官皆免
議僭用尋常服色者繫官罰俸一年兵及閑散
人鞭五十未經察出之佐領驍騎校每案罰俸
一月叅領副叅領每二案罰俸一月都統副都
統每三案罰俸一月領催族長鞭二十五若奴
僕有犯鞭五十其主繫官罰俸一月常人鞭二
十五該管各官皆免議以上應議之族長繫官
照佐領例議處○又奏準在外將軍都統副都

統以下協領以上見任來京者若並無疾病事故凡值祭祀耕藉之期先期在附近地方齋宿仍聲明齋宿之處以憑稽察屆期投遞職名各按品級排班行禮恭遇

御殿受賀諸大典禮亦一例排班行禮將軍都統列於在京都統之次副都統列於在京副都統之次協領列於在京叅領之次○十三年議準旗員應陪祀者於期前將職名造冊送部其有故

不能陪祀者於各該員名下注明祭祀之日由部委官於齊集處察收職名有不到者指名叅奏若陪祀各官於齊集之日偶患疾病不能到者將情由呈報稽察衙門

一錢糧康熙年間定八旗支領錢糧該叅領佐領驍騎校等親赴戶部銀庫與該管官公同稱兌支領之後佐領驍騎校觀看散給如支領時叅領佐領驍騎校不親赴銀庫各罰俸一年佐

領驍騎校不親看散給致領催侵漁短少者降
一級調用明知領催扣剋不即呈報者降三級
調用通同扣剋者革職交刑部治罪○又定旗
員將正雜錢糧擅自那移別用者革職若因緊
急軍需未經報明該管官私自那移應用者降
一級留任俟銷算清完之日開復至存留公用
錢糧因公那移者免議那移米豆草者亦照此
例分別議處○又定旗員有經管倉庫錢糧及

承追拖欠等項若乾沒侵欺者革職交刑部治罪領催人等乾沒侵欺者交刑部治罪該管官革職如佐領驍騎校侵欺該管之叅領副叅領不行察出者降一級調用都統將軍副都統罰俸一年○又定在京旗員有降罰處分奉

旨後即行注冊一面知照戶部及該旗領俸時該旗將該員降罰之處聲明造冊送部由外任升調京職者若有隨帶降罰之案本人呈報該旗造

冊送部由部將各員原有降罰並見在應照何
品級食俸逐一察明轉送戶部覈給其造冊送
部之後有奉

旨新用人員無原俸可支者及緣事開復未經開缺
者春季在正月三十日以前秋季在七月三十
日以前準造冊補領過此限者不準革職之人
即行裁扣○又定旗員應支俸銀俸米春季於
上年十二月十五日以前秋季於六月十五日

以前造冊送部兵丁應領錢糧於上月十五日以前馬駝應領銀錢於上月十八日以前造冊送部若冊內數有舛錯並總撒不符由戶部即傳該旗承辦官改正仍將冊領回三日內鈐印送部如三日內不行送部及各項冊不依限造送者將承辦官照遲延例議處其應領之米戶部移咨倉場限兩月內支放全完不完將監放之旗員察叅違限不及一月者罰俸三月一月

以上者罰俸六月二月以上者罰俸一年如監
放五年均限內清楚並無生事作弊者紀錄一
次○又定八旗宗室覺羅及滿洲蒙古漢軍武
職各官俸銀俸米兵丁錢糧馬駝銀錢由該旗
依限造冊送部將增減數目察對轉咨戶部覈
給俟歲終由部將一年內官兵支過銀數繕冊
一本米數繕冊一本馬駝銀錢數繕冊一本恭
呈

御覽○又議準八旗有承追之銀千兩以下者於文到日限一年追完不完將佐領驍騎校罰俸一年叅領署叅領罰俸六月都統副都統罰俸三月再限一年不完佐領驍騎校降一級留任叅領署叅領罰俸一年都統副都統罰俸六月再限一年追完佐領驍騎校開復不完照所降之級調用叅領署叅領降一級留任都統副都統罰俸一年承追千兩至五千兩者以五年為期

每案每年追完二分不及二分者佐領驍騎校
初叅降俸一級二叅罰俸一年三叅降一級四
叅再降一級皆留任五年限滿追完開復不完
照所降之級調用承追五千兩以上者以十分
為率勒限五年佐領驍騎校初叅不完降俸二
級二叅罰俸一年三叅降一級四叅再降一級
皆留任五年限滿能完至七分者準其開復未
完之銀再行按年起限不及七分照所降之級

調用督催各官千兩至五千以上者每案勒限五年按數督催遞年完至二分者免議不及二分者叅領署叅領初叅罰俸六月二叅罰俸九月三叅罰俸一年四叅降一級留任五年限滿全完開復不完降二級留任都統副都統每案初叅罰俸三月二叅罰俸六月三叅罰俸九月四叅罰俸一年五年限滿無完降一級留任未完之銀再行按年起限追完開復至接任承追

督催各官均以任事之日起扣限追催如本人實繫無力完帑佐領驍騎校出結報明叅領轉報都統副都統奏請豁免不得株連親族倘濫行著落親族代賠將承追官革職若豁免後本人見有隱瞞產業悉行入官將出結之佐領驍騎校革職轉報之叅領署叅領降二級調用奏請之都統等罰俸一年所欠之銀著落出結之佐領驍騎校賠補如該管都統副都統及叅領

署叅領有逼勒出結之事不行出首者將出結並逼勒之官皆革職○又議準佐領驍騎校有承追之銀於一年限內追完三百兩以上之案者每案紀錄一次千兩以上之案五年限內追完者紀錄一次叅領署叅領追完三百兩以上之案者每三案紀錄一次都統副都統追完三百兩以上之案者每十案紀錄一次接任官以任事之日起限於一年限內追完千兩以上之

案者加一級五千兩以上之案者加二級萬兩
以上之案者加三級此等加級遇別案承追應
降調者準其抵銷若於一年限內追完萬五千
兩以上之案者以應升之官即用○又議準八
旗有冒領錢糧者緊官革職兵革退皆交刑部
治罪通同徇隱之佐領驍騎校革職領催鞭一
百革退轉報之叅領署叅領罰俸一年都統副
都統罰俸六月若佐領下人冒領不行詳察之

佐領驍騎校罰俸一年叅領署叅領罰俸六月
都統副都統罰俸兩月○雍正元年議準八旗
兵丁揭借私債以應領銀米充為利息該管佐
領驍騎校知情者革職叅領副叅領罰俸一年
領催鞭一百革退失察者驍騎校降一級留任
佐領罰俸一年叅領副叅領罰俸九月領催鞭
六十○又議準外任旗員借銀以六七百兩為
千兩出三四分利息者該旗叅領佐領驍騎校

等不得具保如有濫行具保者罰俸一年○二年議準

盛京旗人所種地畝應交米豆草以經管地界之
協領城守尉為督催官佐領防禦驍騎校為經
徵官徵糧一石作銀一兩如經徵千兩以下一
年內全完者紀錄一次千兩以上三千兩以下
一年內全完者紀錄二次三千兩以上一年內
全完者紀錄三次督催五千兩以下一年內全

完者紀錄一次五千兩以上萬兩以下一年內
全完者紀錄二次萬兩以上一年內全完者紀
錄三次如有不完各計分數叅處經徵官欠一
分者罰俸六月二分罰俸一年三分降職一級
四分降職二級五分降職一級六分降職二級
七分降職三級八分降職四級皆戴罪經徵完
日開復欠九分十分者革職督催官欠一分者
罰俸三月二分罰俸六月三分罰俸一年四分

降俸一級五分降俸二級六分降職一級七分
降職二級八分降職三級九分降職四級皆戴
罪督催完日開復欠十分者革職○又議準旗
員支放錢糧如有豫給重支或違例給發者將
經管官降一級調用轉詳官罰俸一年都統將
軍副都統罰俸六月其豫給之項照數扣抵至
重支及違例給發者於經管官名下追賠○又
議準

盛京寧古塔黑龍江等處經管倉廩各官於滲漏處不行修補應蓋造者不詳請蓋造以致米糧霉爛者革職動帑代買限一年照數追賠不完照損壞倉庫律治罪如侵盜入已詐稱霉爛虧欠者照侵蝕例治罪○四年議準內外旗員將在官錢糧私自借用或轉借與人者革職交刑部治罪該管上司失察者降一級調用都統將軍副都統罰俸一年若該管上司明知私用借

用徇隱不揭報者降二級調用已經揭報都統
將軍副都統不察叅者降二級調用揭報之該
管上司免議○五年議準佐領驍騎校領催等
有在本佐領及兄弟佐領下私放印子轉子銀
錢坐扣兵餉並夥同私放者佐領驍騎校革職
領催革退皆交刑部治罪該叅領副叅領失察
者降一級留任如佐領驍騎校雖未出本私放
明知該管下有借放印子轉子之人不即首報

轉與屬下兵丁作保者革職領催鞭一百革退
該叅領副叅領罰俸一年至佐領叅領驍騎校
等平時失察致兵丁將錢糧扣還印子轉子者
驍騎校降一級留任佐領罰俸一年叅領副叅
領罰俸九月領催鞭六十○七年議準八旗生
息銀原令營運以備資給兵丁婚喪之用該管
大員慎簡賢能官經管如委用非人以致本利
虧闕將經管官照虧空錢糧例分別治罪該管

大員照失察劣員例議處虧闕之銀著落經管
官及該管大員分賠○又議準旗員有將生息
銀私自侵蝕那移者照侵那錢糧例議處若藉
稱官銀名色占奪百姓行業或重利短期刻薄
閭閻並與商賈小民爭利者將經管各官照違
禁取利律治罪該管上司照失察劣員例議處
○又議準旗員有將生息銀借給兵丁收取利
息以為賞賚者降四級調用如兵丁假托商人

之名領銀不為詳察遽行借給者降一級調用
失察之該管大員等各罰俸一年倘銀有虧闕
著落經管官及該管大員等分賠○又議準生
息銀經管官於前後接任之時造具舊管新收
開除實在四柱清冊交代○八年奏準八旗經
管米局官將米多賣與商販鋪戶者罰俸一年
○乾隆元年議準凡交旗承追虧空贓罰等項
果屬無力完帑奏請豁免不得濶開借欠希冀

塘抵如本人經管錢糧時所屬有借支借領並同官那用出有印領者準其開報仍將出印領之人照私借錢糧例議處按數勒追至其平日債負或幫助親友或同官私借雖有文約並無印領者不準開報勒追倘該佐領驍騎校因受囑徇私聽其開報妄拏無辜勒追者照故勘平人律治罪得賄者計贓以枉法從重論叅領副叅領不據實察報者降二級調用若因規避議

處指引開報者佐領驍騎校革職叅領副叅領失察者降一級留任如任其朦朧開報濶行勒追者佐領驍騎校降二級調用叅領副叅領罰俸一年

一田宅康熙四年題準分給佐領下房屋地土佐領驍騎校隱占不給或私賃取租者革職如驍騎校隱占佐領失察佐領隱占驍騎校失察將失察之員罰俸一年若佐領止買壯丁捏稱

並買房屋地土造入冊內者革職○又題準佐領驍騎校捏開人名多領官房官地未入已者降一級調用入已及私賃或轉賣與人者革職仍追租價並房地交部失察之叅領等罰俸一年都統副都統罰俸六月如佐領下人多領或冒領者失察之佐領驍騎校罰俸一年叅領等罰俸六月都統副都統罰俸兩月○十五年題準旗員將應納錢糧田地私自隱匿一畝至九

畝者降四級調用十畝以上革職一頃以上革職杖一百折贖永不叙用隱匿田地入官錢糧按年追納如自行出首不拘年限免議自出首之年徵收錢糧○又題準旗員奉委丈量地畝遲延限期或將丈量之地畝不明白詳報或不送文冊檄催並不申覆或令其監丈互相推諉不行者皆罰俸一年○又題準旗員擅買民地者罰俸三月○雍正二年議準拖欠錢糧之人

已報入官田產佐領驍騎校隱匿不報者革職
侵蝕入已者交刑部治罪失察之叅領副叅領
降一級調用都統副都統罰俸六月其令人居
住耕種不納租銀者佐領驍騎校降一級調用
叅領副叅領罰俸一年如應入官田產本人未
交佐領驍騎校通同隱匿者革職侵蝕入已者
交刑部治罪失察者佐領驍騎校降一級調用
叅領副叅領罰俸一年都統副都統罰俸三月

○又議準拖欠錢糧之人將田產報官抵項承辦之佐領驍騎校估價短少或不候準賣部文即賣者罰俸一年叅領副叅領罰俸六月估價浮多或開造數目不實者佐領驍騎校降一級調用叅領副叅領罰俸一年都統副都統罰俸六月其本人報官抵項若將田產數目開造不實者繫官降一級調用常人鞭八十如本人照原典買之價報官抵項或有不敷令承辦官確

估呈報本人免議。○又議準官房倒塌該管官不請修理者罰俸六月該管大員罰俸三月若因而損壞遺失官物者仍令分賠。○九年奏準八旗游牧察哈爾地畝除經戶部理藩院定議許令民人居住耕種者仍照各案覆準事例遵行外其未奉部院覆準槩不許私募民人耕種容留居住及越界多墾違者繫官降三級調用常人鞭八十該總管及該管官察出報明該旗

者免議若失察將該管官降一級調用總管副
管罰俸一年若通同徇隱別經發覺將該總管
副管及該管官皆降二級調用

一戶籍順治年間定八旗編審壯丁將應入冊
之人隱匿不入者繫官罰俸三月常人鞭二十
五失察之佐領驍騎校各罰俸一月若佐領驍
騎校將未成丁之幼童湏入壯丁冊內者罰俸
三月○又定旗人將家僕私行開戶者繫官罰

俸一年常人鞭五十失察之佐領驍騎校各罰
俸九月如無家主之言佐領受財私行開戶者
革職交刑部治罪○又定旗員將非其所屬不
應入丁冊之人私入丁冊或將撫養之子冒入
族中入冊內者罰俸九月繫常人鞭四十失察
之佐領驍騎校罰俸兩月○又定八旗有將族
人已經開戶之義子作已奴僕或分與族人為
奴僕者繫官革職常人鞭一百失察之佐領驍

騎校罰俸一年若佐領驍騎校將所屬良家子
誣為奴僕之子者降一級調用○又定旗員於
承襲官爵時承造家譜故將有分親支子孫不
行造入者降三級調用若承造家譜將同祖親
屬姓名疎忽遺漏者罰俸三月○又定官員希
冀承襲官爵並承受家產將伯叔親生之子誣
為奴僕之子者革職若於承襲時將原立官人
之適親子孫作為遠族者降三級調用○又定

八旗有將開戶之人徇情朦朧保送為官者降
三級調用擬補之該管大員知情者亦降三級
調用失察者罰俸一年○又定官員欲承受家
產告尊長審虛者降三級調用如將族人生前
撫養為子已經承受家產復行爭控者罰俸一
年○康熙十一年議準旗員將所雇民人轉行
鬻賣者革職若誣為己之奴僕具告或將未投
充民人誣為投充具告者皆罰俸一年○又議

準旗員出差將家下食餉之兵及應當差之人
不呈明該管官擅作隨役或擅自差遣者罰俸
六月○又題準滿洲蒙古家人賣與漢軍及民
漢軍家人賣與民者買者賣者繫官罰俸一年
旗人鞭一百民責四十板佐領驍騎校內管領
知情者各罰俸九月領催鞭八十所買之人並
賣價皆入官至滿洲蒙古漢軍家人有不應放
出為民其主私行放出及私令贖身者亦照此

例議處其喀爾喀厄魯特之人不許賣與漢軍
及民違者繫官降一級調用旗人鞭一百民責
四十板所買之人入官○四十一年議準賣身
旗下之人原有房產守分度日於地方民人並
無擾累者許令原處居住原無房產者均令伊
主收回若倚仗賣身旗下恣意橫行把持武斷
賭博姦淫窩盜勾串訐訟作証擾累民人者地
方官據實詳報拏送刑部治罪不許仍在原處

居住若容留此等之人仍居住原處者其主繫
官降一級留任常人鞭一百○雍正三年議準
八旗佐領下同族人內設立族長約束一族之
人其獨戶小族酌量兼管該都統等於男輕車
都尉騎都尉雲騎尉及舉貢生監護軍領催內
簡選補用若族長果能盡心教導三年無過由
該旗具奏咨部繫官給以紀錄一次執照舉貢
以下造印冊二本一送部備案竝得官日報部

給以紀錄一本存旗備案或未得官以前遇族
長內例應議處或別遇罰俸之案該旗將本人
從前應得紀錄之處一并咨部準其以紀錄一
次抵銷罰俸六月○五年議準各省駐防官兵
丁冊由該將軍都統等於比丁之年察明造具
二本鈐印咨送戶部有隱匿不入冊者照在京
隱匿壯丁例議處若將所生之子假捏過繼潛
居別處者革職該管官失察者罰俸一年如在

半年以內察報者免議知情不察報者降一級
留任○六年議準駐防各官不得買民人為奴
僕違者降二級調用若縱令家人私買及囑託
兵丁代買者亦降二級調用該管官不揭報者
降一級留任將軍都統等不察叅者罰俸一年
至駐防兵丁實在並無家人者具呈該管官確
察屬實出具保結許買不得過二名仍令賣身
之人親至地方官處取具親供存案立契書情

願賣身字樣鈐印為據如有勒買者將該兵丁
枷一月鞭一百若見有家人捏稱無有溷買者
鞭一百失察之該管官降一級留任都統將軍
等罰俸一年以上官兵私買民人經該管官察
出者皆免議○七年議準別載冊籍之人冒入
滿洲正身冊內及原繫民人繼嗣冒入旗籍者
繫官革職常人鞭一百扶同徇隱具保之佐領
驍騎校降三級調用領催鞭八十叅領副叅領

罰俸一年都統副都統罰俸六月如佐領驍騎校並不知情朦溷具保者降一級調用領催鞭六十叅領副叅領罰俸六月都統副都統罰俸三月○八年奏準應行入官之人隱匿不報本主繫官隱匿一人至三人者降一級六人降二級九人降三級十二人者降四級皆調用十五人以上革職隱匿之人入官該佐領驍騎校知情隱匿者同罪失察者隱匿三人以上佐領驍

騎校罰俸六月叅領副叅領罰俸三月十五人
以上佐領驍騎校罰俸一年叅領副叅領罰俸
六月如佐領驍騎校隱匿該叅領副叅領知情
者即照佐領驍騎校知情例議處失察者隱匿
三人以上叅領副叅領罰俸六月十五人以上
叅領副叅領罰俸一年都統副都統免議○又
議準發遣口外黑龍江寧古塔等處為奴人犯
及撥給山海關以外叛逆人犯妻子奴僕有私

行偷賣贖出者賣贖之人繫官革職常人枷兩月鞭一百該管官降二級調用其發往各省駐防為奴人犯有私行偷賣贖出者亦照此例行○又議準開戶奴僕冒入別載冊籍之內者除本人交刑部治罪外其朦溷造報之佐領驍騎校降一級調用領催鞭六十不行詳察之叅領副叅領罰俸一年都統副都統罰俸六月

一限期定例八旗公中佐領員闕限二十日奏

請補授世管佐領員闕限三十日奏請補授若
限內不能完結先簡選一人奏請署理世爵員
闕限三十日奏請承襲叅領副叅領前鋒侍衛
護軍校驍騎校及步軍統領所屬各官員闕均
限二十日奏請補授駐防各官員闕及承襲世
爵來京者以人文到日限二十日奏請補授以
上內外各官如有行察調取及臨時患病服制
等事不能依限完結者將緣由知會稽察衙門

仍速行辦結注銷若無故遲延各按違限日期
議處○又定遠省駐防官因亡故懸闕者接任
駐防之人限兩月起行因老病告辭懸闕者接
任駐防之人限三月起身其近京之直隸山東
山西河南等處接任駐防之人均限一月起行
駐防兵亦照此限官兵在塗每日限行六十里
如違限一月以上者官罰俸三月兵鞭五十兩
月以上官罰俸六月兵鞭六十三月以上官降

一級調用兵鞭七十四月以上官降二級調用
兵鞭八十五月以上官降三級調用兵鞭九十
六月以上官革職兵鞭一百不及一月者免議
若中塗患病及有阻滯難行情由取有地方官
印結報部者免議○康熙十七年議準八旗外
任文武官因降革休致或裁汰候補例應歸旗
者本人及家口該管官於五月內催令起程有
驛大路日行一站無驛僻路日行五十里有水

路者聽由水路行按站按里計日到京如無故
不即起程或潛居別處或本人到京而家口仍
住別處該管佐領驍騎校不能察報者一人降
一級二人降二級皆留任三人以上者革職領
催交刑部治罪叅領署叅領於所屬有一二人
未行察報者罰俸一年三四人者降一級五六
人以上者降二級十人以上者降三級皆留任
都統等失於覺察一二人者罰俸三月三四人

者罰俸六月五六人者罰俸九月七八人以上者罰俸一年十五人以上者降一級留任○雍正七年議準八旗會議之事該都統等如期齊集按翼按品列坐議定畫題如越次不整者罰俸一月其在

內廷行走不得到班者承辦官將所定之彙鈔錄送閱於三日內畫題送回有應改者亦於三日內送回如無故不即畫題以致事有遲延者照

違限例議處至因有事入奏未及到班者於次日齊集補行畫題若托故不到罰俸一年○又奏準八旗承辦一應事務每月二次造冊送察旗御史注銷如有違限及遺漏者叅奏議處若承辦官以未完作為已完造冊注銷者罰俸三月○八年奉

旨兩三衙門會議會審之事若一處曾經行催而他處尚不辦理即著行催之衙門具摺奏聞將來遲誤處

分之時免其議處倘曾經行催而未奏聞者日後因
遲延議處仍將該衙門一并交議倘奏聞之後以為
既經具奏此後遲延與已無涉以致事務仍復耽閣
者仍將該衙門一并議處○乾隆五年奏準八旗察
辦冊籍之事原無定限者於到旗之日酌量事
之繁簡奏明定限該管官依限察辦如有遲延
照例議處○又奏準內外旗員將本身遲延之
事推諉他人者除照遲限日期議處外因其推

議再加重罰俸一年○又議準八旗承辦官如因
限期已屆將應結之事瀾行指駁者罰俸六月
該管大員罰俸三月○又議準旗員有以遷葬
修墳扶柩等事往

盛京游牧地方及近京等處請假並請假往外省
者二品以上有職任者自行奏請其餘各官該
都統出具保結咨部按地方遠近定限給假給
與路引前往入於月終彙題回日將路引繳銷

若逾限不及一月者免議一月以上者罰俸一
月二月以上罰俸兩月三月以上罰俸三月四
五月以上罰俸六月六七月以上罰俸九月八
九月以上罰俸一年一年以上降一級調用年
半以上降二級調用二年以上者革職如有患
病阻滯等情取具該將軍都統副都統城守尉
印文或府州縣印結本人帶回免議其旗人有
事請假往近京等處者領催驍騎人等由該佐

領報明叅領給與關防牌票前往仍將所往之地並來去限期呈明都統等備案前鋒護軍各項執事人等由各該處行文該旗由叅領察明給與關防牌票前往閒散人等由佐領知會叅領給以圖記前往至請假往外省者該都統咨部給與路引前往其路引關防牌票圖記回日即行繳銷若遲延不繳並逾限不回者鞭五十若不請假私往及雖請假不往所指之處別往

他處者繫官革職前鋒護軍領催驍騎各項執
事人等鞭一百革退閒散人鞭一百○又定八
旗易結之事正限十日餘限十日叅領佐領會
行察辦之事十日限內不能完結者將緣由呈
明扣限二十日完結者餘限二十日補授內外
各官正限二十日者餘限二十日正限三十日
者餘限十五日各於限內完結如有行察調取
及臨期患病服制等事不能依期完結者將緣

由知會稽察衙門○又定世爵員闕統於歲終
繕造家譜奏請承襲倘有爭告應察辦者限次
年八月以前察明具奏遇有患病服制等情於
病痊服滿之日引

見不必更俟歲終如懸闕至二年不奏請承襲者將
該管都統等及承辦官分別議處○又定旗員
承辦之事於餘限之外不能完結一日至十日
者罰俸一月十日以上者罰俸三月二十日以

上者罰俸六月三十日以上者罰俸一年若繫
佐領遲延將佐領驍騎校照承辦官例議處佐
領驍騎校罰俸一月者領催鞭一十罰俸三月
者領催鞭三十罰俸六月者領催鞭四十罰俸
一年者領催鞭五十都統等於屬官遲延之事
自行叅奏者免議若經別衙門叅奏如承辦官
罰俸一月都統等免議罰俸三月者都統等罰
俸一月罰俸六月者都統等罰俸三月罰俸一

年者都統等罰俸六月○又定都統等叅奏遲延即於摺內將承辦官職名開明別衙門叅奏者由部察取職名各照例議處○十五年奏準八旗承辦之事限內不能完結及奏補內外各官有行察調取等事限內不能完結者準將情由聲明奏定限期不必立餘限之名致藉端遲誤○二十二年奏準八旗世爵員闕統於年終承襲倘有爭告及察辦不及承襲者入於次年

年終奏請承襲

一監獄順治年間定旗員看守監牢因事耽延
空班或不交與接班之人私自回家者降一級
罰俸一年○又定旗員看守重犯監牢不嚴聽
任重犯與外人肆言者革職○又定八旗有控
告案內應行質訊人犯經承辦之部行文關提
若逾限不送經部叅遲延如人犯在京居住者
將該管官罰俸一年領催鞭五十屯莊居住者

將差往喚拘之人及不協同拏解之屯領催各鞭五十如人犯別有事故者準將情由報部○又定八旗外任官叅革解任歸旗之後原任內有未清之案經該督撫行文關提質訊者該旗分別情罪或應鎖解或應散解聲明交部撥兵按程遞解○又定八旗將行克不法奴僕呈請送部發遣該都統等確察屬實即具咨送部若無故留難其主赴部呈告審無誣捏者將留難

之該管官罰俸一年○康熙六十一年議準旗
員解送人犯全無約束以致人犯辱官詐財生
事不法者革職若該員隱匿不報該管上司未
經察出者罰俸一年該員已報該管上司不為
轉報者降二級調用統轄之將軍都統副都統
等據報不行察叅者降一級調用○又議準旗
員解送重犯及強盜防範不嚴以致脫逃者革
職解送流徒等犯脫逃及看守之處脫逃者降

一級住俸一半解送入官之犯脫逃及看守之處脫逃者住俸一半以上各犯或本身拏獲或別處拏獲皆準開復解送進京此等犯人中途脫逃及看守之處脫逃者皆照此例議處至看守此等犯人之官若得財釋放者革職治罪犯人自盡無抑勒拷逼情弊者罰俸一年○又議準兵丁解送犯人若僉差不慎致與犯人同逃者該管官罰俸一年○又議準旗員將應解人

犯錯解別處者罰俸六月

一命案原定八旗兵丁並無私讐別故因公事
教訓將該管官殺死者該佐領驍騎校罰俸二
年叅領署叅領罰俸一年都統副都統罰俸六
月族長領催鞭一百有因私讐殺死或因公挾
忿持刃致傷該管官者該佐領驍騎校罰俸一
年叅領署叅領罰俸六月都統副都統罰俸三
月族長領催鞭八十如繫前鋒護軍步軍有犯

將前鋒統領護軍統領步軍統領翼尉照都統
副都統例議處前鋒叅領侍衛護軍叅領署叅
領步軍協尉副尉照叅領例議處前鋒校護軍
校步軍尉同佐領驍騎校一例議處族長領催
各分別鞭責其本旗都統叅領等皆免議閒散
人因公挾忿持刃致傷該管官者該佐領驍騎
校罰俸六月叅領署叅領罰俸三月都統副都
統罰俸一月族長領催鞭五十殺死者該佐領

驍騎校罰俸一年叅領署叅領罰俸六月都統
副都統罰俸三月族長領催鞭八十凡族長繫
官皆照驍騎校例罰俸外省駐防兵丁及閒散
人有犯殺死及致傷該管官者該將軍都統副
都統照在京都統例議處協領叅領總管城守
尉防守尉照在京叅領例議處佐領防禦驍騎
校照在京佐領例議處○又定八旗滿洲官兵
及閒散人互毆致死將該佐領驍騎校罰俸一

年叅領署叅領罰俸六月都統副都統罰俸三
月領催族長鞭八十如繫前鋒護軍步軍有犯
將前鋒統領護軍統領步軍統領翼尉罰俸三
月前鋒叅領侍衛護軍叅領署叅領步軍協尉
副尉罰俸六月佐領前鋒校護軍校驍騎校步
軍尉罰俸一年領催族長鞭八十其本旗都統
叅領等皆免議族長繫官照驍騎校例罰俸若
奴僕毆人致死其主鞭八十繫官照驍騎校例

罰俸該管官免議至於內府王公府屬佐領及
內管領下滿洲與正戶人互毆致死該管大員
及該管官亦照此例議處若因公差遣之處互
毆致死將領去之該管各官照在京該管大員
及該管官例議處其屯莊居住旗人互毆致死
將屯領催鞭八十在京該管各官皆免議八旗
蒙古漢軍及外省駐防均照此例○又定步軍
尉等所管地界內有路死之人該步軍尉不開

明情由具報刑部者罰俸六月○又定旗員因
事威逼人命致死者革職若子弟奴僕與人鬪
毆該員前往救護角口被人毆傷毆官之人懼
罪自盡者將護救之官罰俸一年○又定八旗
該管地方有持刃傷人者首拏之人賞銀十五
兩其次賞銀十兩第三人賞銀五兩如但持刃
未致傷人者不賞○雍正二年議準旗員將奴
僕責打身死審非故殺者罰俸二年故殺者降

二級調用加級紀錄不準抵銷持刀殺死者革職治罪如家主占奪奴僕之妻或圖姦不遂毒毆致死審有確據及本主自認不諱者革職治罪若將奴僕打死隱瞞不報部者革職私用夾棍拶子拷逼奴僕者罰俸六月致死者革職用刀背責打奴僕者罰俸九月故殺族人奴僕者降三級調用加級紀錄不準抵銷毆殺者降二級調用皆追人一口給付死者之主持刀殺死

者革職治罪○又議準八旗自盡命案已經驗明令其擡送如有勒索攔阻者該汛及城門直班官兵拏送刑部治罪若知而不拏將直班官罰俸一年兵鞭五十○又議準西四旗游牧察哈爾總管所屬蒙古有關命案議處者皆照八旗官兵及閒散人互毆死例將專管之佐領驍騎校照八旗佐領驍騎校議處兼轄之叅領照八旗叅領例議處總管副管照八旗都統副都

統例議處太僕寺牧場等官有關命案議處者
將專管之協領兼轄之翼領統轄之總管照此
例分別議處○十三年議準奉天各城旗民有
犯命案者各該管官訪知確實一面行文關會
一面差役持崇徑行拘拏如管民官行文關會
該旗員有心牽制不即增差協拏致克犯遠逸
者降二級調用屯領催不協力擒拏以致脫逃
者鞭八十如受財故縱交

盛京刑部治罪其旗員該管地方有殺死人命失
於覺察不行申報者該管官降一級留任該管
上司免議如知情隱匿不申報者經管民官詳
揭將該管官革職城守尉隱匿不揭報者降三
級調用該將軍副都統不察叅者罰俸一年若
城守尉並不知情止於失察同城者降一級留
任不同城在百里以內者罰俸一年百里以外
者罰俸九月該將軍於題叅時將或繫知情或

繫失於覺察及道里遠近於疏內詳細聲明以憑覈議如該管官於命案先因不知未報後即察出通報將本案審明者不論年月遠近皆免議○又議準奉天命案遇有例應議處議敘者城守尉照督緝例與奉天理事通判錦州府知府一例定議佐領防禦等官照承緝例與州縣一例定議驍騎校與吏目典史等官一例定議○乾隆七年覆準東四旗游牧察哈爾總管所

屬蒙古遇有命案照西四旗例分別議處

一盜案康熙十七年議準八旗前鋒護軍驍騎
及執事人等行刼被獲或被人出首經刑部審
實將該管佐領驍騎校領催議處每佐領下有
一二人者佐領罰俸一月驍騎校罰俸兩月領
催鞭五十三四人者佐領罰俸兩月驍騎校罰
俸三月領催鞭七十五六人者佐領罰俸六月
驍騎校罰俸一年領催鞭八十七人至十人者

佐領罰俸一年驍騎校降一級罰俸一年領催
鞭一百十人以上者佐領降一級罰俸一年驍
騎校革職領催鞭一百二十人以上者佐領革
職驍騎校革職鞭一百折贖領催鞭一百革退
如前鋒護軍匠役人等於該班當差日為盜將
前鋒校護軍校有頂帶司匠皆照驍騎校例議
處無頂帶司匠照領催例議處其本佐領驍騎
校領催免議如平時在家為盜將本佐領驍騎

校領催照例處分前鋒校護軍校司匠皆免議
在京閒散人及墳園住居之正身為盜一人至
三人者佐領罰俸一月驍騎校罰俸兩月領催
鞭五十四人至六人者佐領罰俸兩月驍騎校
罰俸三月領催鞭七十七人至十人者佐領罰
俸六月驍騎校罰俸一年領催鞭八十十人以
上者佐領罰俸一年驍騎校降一級罰俸一年
領催鞭一百二十人以上者佐領降一級罰俸

一年驍騎校革職領催鞭一百革退有窩盜之事發覺者亦照此例議處若佐領驍騎校等奉差在外所屬內有為盜窩盜者將署事之佐領驍騎校領催分別議處其奉差之佐領驍騎校等皆免議至差遣在外之人行劫被獲將同差遣之該管官照佐領驍騎校例分別議處其內府管領及王貝勒貝子公各府屬管管管屯領催莊頭八旗滿洲蒙古漢軍屯領催等所管之

人有為盜窩盜者內府管領照佐領例議處內
府副管領及王府管領照驍騎校例議處貝勒
以下各府管領管屯領催莊頭八旗屯領催皆
照領催例議處該管官於事未發覺之先自行
察出送部治罪者免議奴僕為盜窩盜家主繫
官照兵役為盜之該管驍騎校例議處常人照
兵役為盜之該管領催例議處其該管之各官
皆免議若家主於事未發覺之先自行察出送

部治罪者亦免議○又題準

京城內掘門掘壁踰牆行竊其賊繫正身將同居父兄議處繫戶下人將家主議處初次行竊者其同居父兄及家主皆免議二次者同居父兄及家主繫官罰俸一月常人鞭四十三次者同居父兄及家主繫官罰俸兩月常人鞭五十○又題準外省駐防兵丁有一二人為盜者該管佐領防禦驍騎校罰俸一年協領叅領總管城

守尉防守尉罰俸九月三四人者佐領等降一級留任協領等罰俸一年五六人者佐領等降一級罰俸一年協領等降一級留任七人至十人者佐領等降二級調用協領等降一級調用十人以上者佐領等革職協領等降二級調用如閒散人內有一二人為盜者該管佐領防禦驍騎校罰俸六月協領叅領總管城守尉防守尉罰俸三月三四人者佐領等罰俸一年協領

等罰俸九月五六人者佐領等降一級留任協
領等罰俸一年七人至十人者佐領等降一級
調用協領等降一級留任十人以上者佐領等
降二級調用協領等降一級調用其統轄之將
軍都統副都統等本管兵丁有一二三人為盜
者罰俸三月四五六人者罰俸六月七人以上
者罰俸九月十一人以上者罰俸一年十六人
以上者降一級留任二十人以上者降二級

留任三十一人以上者降三級調用閒散人為盜一人至五人者將軍等罰俸三月至十人者罰俸六月十五人者罰俸九月二十人者罰俸一年三十人者降一級留任三十一人以上者降二級留任若兵丁之奴僕有一二人為盜者家主鞭一百三人以上者枷一月鞭一百該管之佐領防禦驍騎校罰俸六月將軍都統副都統總管城守尉協領叅領防守尉各官皆免議

如將軍都統以下駐防各官之奴僕為盜一二
人者將家主罰俸一年三四人者降一級調用
五六人以上者降二級調用十人以上者革職
該管官皆免議如該管官及家主於事未發覺
之先能自行察出治罪者免議兵丁閒散人為
盜該管各官奉差在外者免議○二十五年題
準步軍尉於一年內拏獲強盜五名者紀錄一
次十名紀錄二次十五名加一級三十名加二

級協尉副尉所屬步軍尉等於一年內拏獲強盜十名者紀錄一次二十名紀錄二次三十名加一級翼尉所屬本翼步軍尉等於一年內拏獲強盜二十名者紀錄一次四十名紀錄二次六十名加一級統領所屬八旗步軍尉及番役等於一年內拏獲強盜四十名者紀錄一次八十名紀錄二次百二十名加一級以上各官拏獲之數多者各照應得議敘計數遞加步軍尉

於一年內拏獲竊賊光棍六十名以上者紀錄
一次一百二十名以上加一級二百四十名以
上加二級協尉副尉所屬步軍尉等於一年內
拏獲竊賊光棍一百二十名以上者紀錄一次
二百四十名以上加一級翼尉所屬本翼步軍
尉等於一年內拏獲竊賊光棍二百四十名以
上者紀錄一次四百八十名以上加一級統領
所屬八旗步軍尉及番役等於一年內拏獲竊

賊光棍四百八十名以上者紀錄一次九百六十名以上加一級以上各官拏獲之數多者各照應得議敘計數遞加如繫副尉協尉翼尉拏獲者準照步軍尉例議敘至步軍尉拏獲之數雖不及紀錄統領翼尉仍總計議敘其拏獲各犯均由刑部定擬之後咨部議敘○三十一年議準外省駐防旗人有犯串結土豪放債盤利開賭詐騙準折子女強買市肆擅砍樹木關市

辱官者依律治罪如犯至枷三月鞭一百之罪者將該佐領防禦驍騎校降二級調用協領叅領城守尉防守尉降一級留任將軍都統等罰俸一年如協領以下驍騎校以上各官有本身自犯此等罪者皆革職治罪該將軍都統等降一級留任佐領以下各官有犯者該管協領叅領城守尉防尉降二級調用將軍都統等罰俸一年若各官縱子為惡有犯此等罪者降二級

調用該管各官降一級留任將軍都統等罰俸
一年至奴僕有犯此等罪者家主繫官照佐領
例議處常人鞭一百該管各官皆免議○又議
準外省駐防城內強盜劫掠城池搶奪倉庫獄
囚者將軍都統副都統各罰俸六月○三十七
年議準

京城內有盜賊白晝殺人搶奪財物該汛步軍尉
等將盜賊當場全獲及一月之內全獲者免議

一月內獲一半者步軍尉罰俸一年步軍副尉
協尉罰俸六月盜賊照案緝拏一月內無獲者
步軍尉降二級調用步軍副尉協尉降一級調
用所有加級紀錄不準抵銷步軍翼尉罰俸一
年步軍統領罰俸六月該汛步軍各鞭一百盜
賊交接任官照案緝拏○又議準

盛京所屬看墳及居住之人有偷採人參者將故
縱之屯領催枷一月鞭一百失察者鞭一百各

旗佐領下人有偷採人參者將故縱之佐領驍
騎校革職領催革退枷一月鞭一百失察者佐
領驍騎校罰俸一年領催鞭一百內府佐領下
有偷採人參者將故縱失察之內府佐領驍騎
校領催皆照旗人例分別議處故縱之無頂帶
管領枷一月鞭一百失察者鞭八十奴僕偷採
人參家主不知者不坐知而故縱者繫官革職
常人鞭八十知而詐稱不知者繫官革職常人

鞭一百其應採人參之人必領票以為執照若無票私自行走或有票擅自越界並不照票內定數多帶人畜該巡察官徇情故縱者革職領催革退枷一月鞭一百兵鞭一百若得財縱放及將人參隱匿入己者交刑部治罪因巡察人參借端誣拏無辜之人者官革職兵枷兩月鞭一百奪取財物者官革職交刑部治罪兵枷三月鞭一百若被拏之人以受誣捏控審虛者照

誣告律治罪至一應人等有毀壞

盛京鳳凰城等處邊界寨柵私自出入官兵不行
緝捕及通同受賄者皆照巡察官兵之例治罪
○又議準步軍領催將拏獲盜賊得財私放該
管步軍尉失察其贓在十兩以下者罰俸一年
十兩以上者降一級留任知情故縱者革職○
四十一年議準

京城內盜賊傷人劫去財物將該汛步軍副尉協

尉各罰俸九月步軍翼尉罰俸六月步軍統領
罰俸三月盜賊照案緝拏該汎直日步軍尉降
二級留任罰俸一年限一年緝拏本汎看街領
催步軍及本汎看守柵欄步軍各鞭一百如一
年內拏獲一半步軍尉準其開復一年限滿獲
不及半無別案失事者步軍尉降二級調用領
催步軍皆枷一月鞭八十限內無獲又失事者
步軍尉降三級調用領催步軍枷四十日鞭一

百革退未獲之犯交接任官照案緝拏驍騎堆撥相近處失事該班官罰俸一年驍騎照步軍例鞭責○又議準惡徒肆行無忌或借端挾詐勒騙財物公然搶奪攪擾市肆行兇者責成該汛步軍尉並步軍翼尉協尉副尉隨時巡緝有失察者將步軍尉罰俸六月步軍協尉副尉罰俸兩月翼尉罰俸一月領催步軍鞭一百倘明知不緝拏者革職如得財私縱謊稱逃脫者革

職並領催步軍皆交刑部治罪若領催步軍得財私縱謊稱逃脫該步軍尉並不知情者照失察步軍犯贓例處分○又議準拏獲惡徒刑部審實照光棍例治罪者每佐領下一年內有一二人犯者佐領罰俸一月驍騎校罰俸兩月領催鞭五十三四人犯者佐領罰俸兩月驍騎校罰俸三月領催鞭七十五六人犯者佐領罰俸六月驍騎校罰俸九月領催鞭八十七人至十

人犯者佐領罰俸九月驍騎校罰俸一年領催鞭一百有頂帶管領並該管司匠皆照驍騎校例議處屯領催照在京領催例治罪奴僕為光棍者家主繫官照驍騎校例議處常人照領催例治罪該管官免議如該管官及其主於事未發覺之先自行察出送部治罪者免議至一應有犯光棍之人若該管官奉差在外者免議將署理之人議處○雍正八年議準地方有竊賊

之案該汎步軍尉等於事主呈報之日即轉報
步軍統領勒限半年緝拏限內獲賊免議逾限
不獲將該汎步軍尉罰俸三月步軍協尉副尉
各罰俸兩月直日領催步軍各鞭五十被獲之
賊供由何柵闌行走者將守柵闌步軍鞭一百
如別汎之官於限內獲賊者紀錄一次○十二
年議準奉天各州縣及旗莊地方均照直隸各
省州縣之例編立保甲互相稽察如遇失事同

叅疎防協領城守尉無論專管兼轄照督緝例
與奉天府理事通判一例議處佐領防禦等照
承緝例與州縣官一例議處驍騎校照吏目典
史例議處有因獲盜議敘者亦照此例若奉天
各處旗人有犯盜案經地方文職官訪知確實
行文關會拘緝該管官有心牽制不差人協拏
致盜脫逃者降二級調用失察者罰俸一年屯
領催不協力緝拏者鞭八十若受財故縱交

盛京刑部治罪如同城地方文職官獲盜同城之旗員得免議處○又議準

興京岫巖鳳凰城三處界內如遇失事將旗員劾叅勒限緝拏地方文職官令其協緝○又議準吉林白都訥寧古塔等處設番役緝拏盜賊其管轄番役官如能實心督率於限內將一案盜賊全獲者每案紀錄二次逾限不獲照州縣印捕官初叅二叅三叅四叅之例議處○又議準

西四旗游牧察哈爾總管所屬蒙古有為盜者
照外省駐防兵丁及閒散人為盜例按其名數
將專管兼管統轄各官分別議處其太僕寺牧
場官所部蒙古有為盜者察叅到日將專管之
協領兼轄之翼領統轄之總管照此例分別議
處○又議準看守一應倉庫之官兵拏獲竊賊
者每案官紀錄一次兵於竊賊名下追銀二兩
給賞○乾隆五年議準捕盜步軍尉每旗五人

輪流直月遇該旗地方有強竊之案將捕盜步軍尉勒限承緝不獲照例議處○又奏準直月捕盜步軍尉該旗地方遇有強盜之案於事主呈報之日起勒限半年緝拏限內獲盜免議不獲降一級留任罰俸六月再限一年緝拏一年內獲半準其開復不及半者照所降之級調用捕盜步軍鞭八十遇有竊賊之案於事主呈報之日起勒限半年緝拏限內獲賊免議不獲罰

俸三月捕盜步軍鞭三十○又覆準

京城內強竊各案經直月捕盜步軍尉於限內緝獲者該汛步軍尉等準免議若別管官緝獲者直月捕盜步軍尉免議其該汛步軍尉仍議處
○七年議準

京城內有強盜之案該汛步軍尉隱諱不報或以強報竊以多報少或賄囑事主通同隱諱者將步軍尉革職步軍副尉協尉翼尉扶同隱諱者

降三級調用失察者降二級調用步軍統領知情降一級留任失察罰俸一年如盜已全獲皆免議若事主未經呈報及失事未有實據別經發覺者仍照承緝定議免以諱盜議處○又議準

京城內有竊賊之案該汛步軍尉隱諱不報者降一級留任勒限半年緝拏限內獲賊準其開復不獲降一級調用步軍副尉協尉扶同隱諱者

照步軍尉例議處失察者罰俸六月勒限半年
緝拏限滿不獲罰俸一年竊賊照案緝拏能察
出呈報者仍照承緝例定議若事主未經呈報
該汛步軍尉免議仍於發覺日為始將賊犯勒
限半年緝拏不獲罰俸三月賊犯照案緝拏○
又議準看守倉廩各官被賊竊米者罰俸三月
看守之兵鞭三十○又議準漕糧運送到京有
攔路截袋及鑽穴踰牆進倉偷米之賊審繫食

餉之人將該旗都統副都統罰俸三月叅領罰俸六月佐領驍騎校罰俸一年領催鞭一百若閒散人其父兄繫官罰俸一年常人鞭一百若奴僕家主繫官罰俸一年常人鞭一百○七年覆準東四旗察哈爾總管所屬蒙古遇有盜案照西四旗例分別議處○十四年議準旗人為竊罪至發遣以上者不能管束之該管官及家主皆照旗人為盜例議處

一捕逃順治十五年議準旗下奴僕逃走在京限五日二百里內限十日四百里內限十五日其主即據實呈報投遞逃牌如限內不投遞者繫官罰俸一年常人鞭二十若竟遺漏不行投遞及投回未經銷案又復逃走其主並不再行投遞逃牌者繫官降一級留任常人鞭七十奴僕未曾逃走捏報逃走者繫官降一級調用常人鞭八十若將姓名年月錯開投遞者繫官罰

俸一年常人鞭五十至本主之逃牌已給領催而領催遺漏不投遞者領催鞭七十○康熙七年題準旗員窩隱逃人者革職繫常人交刑部治罪○九年題準旗員將良民冒認為伊家奴僕逃走者降一級罰俸一年○十年議準旗下逃人在駐防旗員所轄地方居住在六月以內者免議如過六月不行察拏窩家鄰右等亦不行出首或被逃人之主控告或被旁人出首將

失察之該佐領防禦驍騎校各降一級留任過
一年者將失察之該佐領防禦驍騎校每一人
降二級調用若明知縱容居住者革職協領叅
領於該管屬官二年內有一員失察逃人者罰
俸一年二員失察者降一級留任三員失察者
降二級調用將軍都統副都統於所屬官二年
內有一員至四員失察逃人者罰俸六月五員
以上者降一級留任如於所轄地方察拏逃人

十五名者將佐領防禦驍騎校各加一級三十
名加二級協領叅領於該管屬官察拏逃人三
十名者加一級六十名加二級將軍都統副都
統於所管屬官察拏逃人二百名者紀錄一次
四百名加一級於此數多者各照察拏之數遞
加統以一年一敘若不足加級紀錄之數者又
并一年議敘仍不足者將前一年之數截去止
留一年之數於次年接算不準三年合算以上

均令將軍都統副都統等於歲終造冊報部并
報刑部察覈○又議準旗人逃走不許私自差
拏或報部行提或在該地方官處首告拏解如
私自差拏者繫官罰俸一年常人鞭一百失察
之地方官及窩家之罪無庸議若私差家人往
窩家取討衣物者亦照此例議處○十二年題
準凡八旗各官有逃走者革職交刑部治罪若
官逃走該管官捏作常人投遞逃牌者罰俸一

年○又題準兵丁逃走該管佐領驍騎校不於限內投遞逃牌者罰俸一月若竟遺漏不行投遞及投回未經銷案又復脫逃該管官並不再行投遞逃牌者皆降一級留任兵丁未曾逃走捏報逃走投遞逃牌者降一級調用若將姓名日月錯開投遞者罰俸一年○又議準八旗逃人已經投遞逃牌後忽謊稱不曾逃走者罰俸六月○四十一年議準黑龍江寧古塔等處將

軍捕總管等將發遣人犯每月收領若干人
逃走若干人未獲若干人已獲若干人造冊咨
送刑部至年終該將軍等將總數開明具奏刑
部會部察對若發遣人犯有逃走一名者其主
繫官罰俸三月常人鞭五十至二三名者按數
加罪一年內逃至五名者該佐領防禦驍騎校
各罰俸一月領催鞭五十逃至十名者協領罰
俸一月佐領防禦驍騎校各罰俸三月領催鞭

五十逃至二十名者將軍副都統等罰俸一月
協領罰俸三月佐領防禦驍騎校各罰俸六月
領催鞭八十逃至三十名者將軍副都統等罰
俸三月協領罰俸六月佐領防禦驍騎校罰俸
一年領催鞭一百逃至四十名以上者將軍副
都統等罰俸六月協領罰俸一年佐領防禦驍
騎校各降一級罰俸一年領催枷二十日鞭一
百捕牲總管照協領例議處翼領照佐領例議

處將軍按統轄地方逃人總數議處副都統有專管地方者照該管處逃人數目議處至人犯逃走其主在城內居住者限即日呈報離城百里以內者限次日呈報百里以外者限三日內呈報該管官隨差本佐領驍騎校率兵協同逃人之主追緝如驍騎校公出即令記名領催率兵追緝仍將逃走緣由呈報該上司報部察覈如本主已經呈報而該佐領等不即轉報遲至

十日以内者佐領防禦驍騎校罰俸六月領催鞭四十十日以外者佐領防禦驍騎校罰俸一年領催鞭六十一月以上佐領防禦驍騎校降一級調用領催鞭八十兩月以上佐領防禦驍騎校革職領催鞭一百如家主逾限遲延不報繫官照佐領例常人照領催例分別議處該管官免議若家主於限內呈報者免議其各省駐防旗下家人及發往當差為奴人等私自逃走

者伊主及該管官皆照此例滿洲漢軍副都統
按翼分設者按該翼逃走人數議處○又議準
邊界管汛管渡官兵將貿易割草之人於去時
登記數目回時按名覈對若人數短少即行文
知會蒙古緝拏若並不稽察致發遣人犯濶入
貿易割草人數內逃入蒙古地方者將管汛渡
之官降一級調用兵鞭八十○又議準王公府
屬之人有犯命盜重罪逃走者該衙門緝拏時

即行文知會該府屬協拏如一年限滿不獲該衙門題叅將辦理府屬家務官罰俸一年該王公等交宗人府察議未獲逃犯仍令照案協同緝拏○雍正元年議準負罪潛逃之犯容留之家除確繫不知情者照律免議外知情容隱笞杖罪犯者繫官革職徒流以上罪犯者繫官革職治罪不準折贖常人交刑部治罪該管官失於覺察如所容隱之人犯笞杖罪者將佐領驍

騎校罰俸兩月領催族長鞭二十五犯流徒罪
者佐領驍騎校罰俸一年領催族長鞭五十叅
領副叅領罰俸六月死罪及重案要犯佐領驍
騎校降一級罰俸一年領催族長鞭六十叅領
副叅領罰俸一年都統副都統罰俸六月若所
屬隱匿流罪以下人犯該管官知情不首報者
降二級調用領催族長鞭八十死罪及重案要
犯該管官知情不首報者革職領催族長鞭一

百凡族長繫官皆照佐領例議處外省駐防官兵隱匿罪犯該佐領防禦驍騎校照在京佐領例總管城守尉協領防守尉照叅領例將軍副都統照都統例分別議處○六年議準在京奉旨捕緝人犯並命案及關繫重案人犯脫逃城內者責成該汛步軍尉住俸限一年緝拏如於一月內拏獲者免議一年限滿不獲降一級調用若非經管應捕之官並各該管上司各官於一月

內拏獲一名者紀錄二次一月以外拏獲一名者紀錄一次○乾隆五年議準廣東駐防旗員有所屬兵丁或閒散人及奴僕逃走者該旗訪知確實下落密移該地方文武官撥兵給票協同緝拏如不移會地方官徑自差拏者罰俸一月如逃人已出廣東地方移會該省緝拏報部旗員不得越境差拏

一禁賭定例八旗閒散人有犯賭博及開場容

留賭博者該管都統將軍副都統失察五次者
罰俸一月該總管城守尉叅領署叅領協領失
察三次者罰俸一月佐領防禦驍騎校每次罰
俸一月族長繫官每次罰俸兩月常人鞭二十
五領催每次鞭五十○又定兵役人等差遣在
外有犯賭博者將領去之該管官照佐領例議
處領催照佐領下領催例議處該旗各官皆免
議○又定內府王公府屬佐領下人有犯賭博

者將該管領副管領府屬叅領驍騎校領催族
長皆照旗下叅領佐領驍騎校領催族長之例
分別議處該旗各官免議○又定旗下奴僕有
犯賭博家主繫官罰俸兩月常人鞭二十五該
管官免議在屯居住之人有犯將屯領催鞭五
十在京該管官免議至奴僕在屯有犯其主在
屯居住者照例議處在京居住者免議○雍正
二年議準失察賭博應議各官若有因公他往

者免議該管之上司拏獲者亦免議○又議準
在京旗下各官失察賭博如本旗拏獲準其免
議若被別衙門拏獲者其失察之都統副都統
叅領佐領等仍議處外省駐防各官失察賭博
如本旗拏獲準其免議若被別衙門拏獲其失
察之該管將軍都統副都統協領叅領佐領等
仍議處○又議準旗人製造賭具該管官訪緝
拏獲者佐領防禦驍騎校加一級若拏獲之賭

具繫描畫紙牌經刑部減等擬罪者拏獲官紀錄二次該管上司於所屬一年內並無別案失察製造賭具舊藏賭具販賣賭具及失察賭博等事於歲終彙冊報部由部覈明繫拏獲製造賭具之案將叅領副叅領協領城守尉總管各官每案紀錄二次都統將軍副都統每案紀錄一次繫拏獲描畫紙牌之案經刑部減等擬罪者叅領副叅領協領城守尉總管各官每案紀

錄一次將軍都統副都統等無庸議敘該管上司於所屬一年內但有一案失察者將別案拏獲賭具一槩不準議敘如所屬有失察等案該上司自行察出者將察出之上司按其拏獲起數議敘倘該上司因所屬拏獲賭具希圖議敘將別案失察通同徇隱不報者降二級調用以上拏獲之賭具造自別處者將別處失察官議處拏獲之官議敘其造自本處之賭具實繫新

製不過半年者方準議敘如繫遠年存留賭具
或雖新製而失察已過半年止免失察處分不
準議敘倘有遠年存留賭具捏報現今製造及
製造已過半年而捏報在半年以內者將應議
敘加一級者即降一級調用應議敘紀錄二次
者即罰俸一年應議敘紀錄一次者即罰俸六
月其各該上司中有能將捏報情由察出揭叅
者將捏報之官議處仍察明本案如上司例應

議敘即將揭叅之上司議敘如例不應議敘因其察出揭叅準免議處此等拏獲賭具議敘各官均由承審衙門聲明咨部定議○六年議準八旗凡有察拏賭博之責若明知不即察拏代為隱諱者官降三級調用兵鞭八十若已獲受賄縱放及借察拏名色詐害平人挾讐誣指者官革職兵革退皆交刑部治罪該管官不揭叅者罰俸一年○又議準八旗賭博委官專司察

拏如未能察拏別經發覺者罰俸一年○九年
奏準八旗內外官兵及佐領下正身人等有製
造賭具者將失察之佐領防禦驍騎校降二級
調用叅領副叅領協領城守尉總管降二級留
任將軍都統副都統罰俸一年族長繫官降二
級調用常人鞭七十領催鞭八十至描畫紙牌
經刑部審明將該犯減等擬罪者失察之佐領
防禦驍騎校各降一級調用叅領副叅領協領

城守尉總管降一級留任都統將軍副都統罰
俸九月族長繫官降一級調用常人鞭六十領
催鞭七十以上內外各官失察製造賭具如本
旗拏獲準其免議若別衙門拏獲者失察之該
管各官仍議處○又奏準旗員失察製造賭具
未及半年別經拏獲者準其免議若失察已過
半年別經拏獲者仍議處○十一年議準八旗
後任官拏獲製造賭具之人察明前任官如失

察未及半年離任者免議失察已過半年者仍照例議處若將失察已過半年之前任官捏報未及半年改移月日代為掩飾者除將該員拏獲之案不準議敘外仍罰俸一年未經察出之該管上司罰俸六月該管大員罰俸三月能察出者皆免議至拏獲之後官到任半年以內因賭博發覺究出製造賭具或舊存牌板刷印不過半年即能拏獲者皆準議敘其應議處議敘

之各官該管大員察明到任離任日期於咨疏
內聲明以憑定議○十二年覆準失察賭博各
官於議處時將該員從前拏獲賭具議敘之加
級紀錄悉行注銷如該員已經數任後有失察
賭博之案將前任內拏獲賭具議敘之加級紀
錄一并注銷其該管上司除因所屬別員拏獲
議敘之加級紀錄不必注銷外如因失察賭博
之屬員從前拏獲賭具同案議敘之加級紀錄

亦悉行注銷若該員失察賭博時該上司先已
離任或該員調任別省其失察之處已與原上
司無涉所有該上司從前因該員議敘之加級
紀錄免其注銷至上司本身失察賭博仍將從
前所有自行拏獲賭具之加級紀錄並因屬官
拏獲賭具之加級紀錄悉行注銷其失察製造
賭具舊藏賭具及販賣賭具皆照此例行○又
議準凡開賭場鬪鷓鴣鷄鬪蟋蟀者照開場

賭博例治罪其該管官亦照賭博例議處○乾隆元年議準旗人操演射鵠者不必察禁外倘有特開賭場抽頭及容留不射箭買局賣局之人並大賭銀錢者即行緝拏交部照開場賭博律治罪○三年奏準旗員賭博及開場容留賭博並上司與屬官賭博者皆革職治罪凡稽察屬官賭博將佐領防禦驍騎校等官責之叅領副叅領協尉城守尉總管等叅領副叅領協領

城守尉總管等官責之都統將軍副都統等如
明知屬員賭博不揭叅者將專責之官降三級
調用其有在該旗賭博失於覺察者該佐領防
禦驍騎校每次罰俸六月叅領副叅領協領城
守尉總管等失察三次者罰俸六月都統將軍
副都統失察五次者罰俸六月如在該衙門及
直班公所賭博將該處失察之官降一級留任
本旗該管各官免議若察出揭報者亦免議○

又奏準官員賭博經刑部審實繫旗員拏獲者
將首先拏獲之人每次紀錄一次如繫番役拏
獲者將步軍統領每次紀錄一次○又奏準兵
丁犯賭將失察之該管佐領防禦驍騎校每一
次罰俸三月該管叅領副叅領協領城守尉總
管有失察三次者罰俸三月該管都統將軍副
都統有失察五次者罰俸三月○又奏準兵丁
犯賭該族長繫官每一次罰俸兩月常人鞭二

十五領催每次鞭五十○又奏準兵丁在直班當差處賭博將該處失察之官照兵役犯賭例議處本旗該管各官免議若在別處賭博本旗該管各官仍議處○又奏準旗下奴僕有犯製造賭具及描畫紙牌等事家主照佐領例議處該管各官免議若奴僕在屯莊居住製造賭具者將失察之屯領催照在京領催例議處家主在屯居住者照例議處在京居住者免議至旗

人在屯製造賭具亦將屯領催議處在京該管
官免議○四年議準奉天等處地方並無綠旗
武職其駐防旗員即有稽察地方之責如有賭
博賭具等案將該將軍副都統等照提鎮例定
議協領叅領等照綠旗兼轄官例定議佐領防
禦驍騎校等照綠旗專汛官例定議至在京步
軍營各官各有分管地方如有賭博賭具等案
將步軍統領翼尉照提鎮例定議步軍協尉副

尉照綠旗兼轄官例定議步軍尉照綠旗專汛
官例定議○又奏準內府及王公府屬之人有
製造賭具及描畫紙牌者將該管領副管領及
府屬叅領佐領驍騎校領催族長等照旗下叅
佐領驍騎校領催族長之例分別議處內務府
總管王公府屬長史貝勒府司儀長照都統副
都統之例議處該旗各官免議○五年議準旗
員拏獲製造賭具繫首先訪緝者將該員並該

上司議敘如繫文官及營員內首先訪緝該員
繫協同拏獲者協拏之官紀錄一次即同任旗
員此官首先訪緝彼官協同拏獲其協拏之官
亦紀錄一次如繫拏獲描畫紙牌之案經刑部
減等擬罪者將協拏之官每二案紀錄一次至
協拏之上司無庸議敘此等協拏緣由協拏之
官申報該上司轉報該管大員察實於咨疏內
聲明準其議敘若並未協拏假捏協拏希圖議

敘者降二級調用扶同隱飾之該上司降一級
調用若該上司並非有心扶同但據詳轉報者
罰俸六月該管大員未經察出罰俸三月如製
造賭具之人失於覺察該管上司及該管大員
拏獲者將屬官仍行議處拏獲之上司及該管
大員議敘○十四年奏準出境販賣賭具未過
半年者首先拏獲之官加一級協拏之官紀錄
一次該管上司於年終彙議時察照本案議敘

如首先拏獲之官繫加一級者該管兼轄官每
案準其紀錄二次統轄官每案準其紀錄一次
一緝私康熙二十四年議準在京旗人有私鑄
私燬或攙和小錢行使者事發照例治罪該管
官知情者革職治罪失察者驍騎校降一級罰
俸一年佐領降一級留任叅領罰俸兩月都統
副都統罰俸一月領催鞭一百若本旗之人在
別旗地方有犯者本旗各該管官亦照此例議

處如旗人及民人在步軍營所管地方有犯者該汛步軍尉照驍騎校例步軍協尉照佐領例步軍翼尉統領照都統副都統例分別議處如奴僕有犯家主知情者照例治罪失察者繫官降二級留任常人鞭一百房主及鄰右知情者照例治罪失察者繫官降一級留任常人鞭一百若城外居住及看墳之奴僕有犯家主照此例議處看守房屋奴僕賃與他人有犯者奴僕

照房主例治罪家主免議在屯莊處有犯屯領
催照在京領催例議處家主及該管官皆免議
凡失察之該管官有能自拏獲者不論年月遠
近準其免議繫本旗之官拏獲者同旗失察官
亦免議步軍統領衙門拏獲者該汛失察官免
議內府番役拏獲者內府失察官免議若繫別
衙門及別旗拏獲者其失察之該管官仍議處
駐防旗人有犯驍騎校照在京驍騎校例佐領

防禦照在京佐領例協領總管城守尉尉防守尉
照在京叅領例將軍都統副都統照在京都統
副都統例分別議處○又議準旗人販賣私鹽
者照律治罪繫正身將該佐領驍騎校罰俸一
月領催鞭五十繫內府所屬人將內管領副內
管領罰俸一月領催鞭五十繫奴僕家主繫官
罰俸兩月常人鞭七十若屯莊居住之旗人有
犯將屯領催鞭五十該管佐領驍騎校領催皆

免議至因公差遣之人有犯將領去之該管官
各罰俸兩月領催等鞭五十有能自行拏獲者
皆免議

一處分雜例原定旗員鬪毆至折傷以上及屬
官毆該管官者皆革職治罪若該管官擅毆屬
官者降三級調用不相統屬之官彼此互相鬪
毆者革職奴僕有犯毆辱官員者除照律治罪
外家主繫官罰俸兩月○又定屬官惡言詈罵

該管官者革職至各官有事奉委稽察雖向無
統屬若於稽察時詈罵稽察官者降一級罰俸
一年稽察官於稽察處涵行詈罵者罰俸兩月
○又定八旗有買良為娼或將家下婦女故縱
為娼者娼婦入官其主繫官革職枷一月鞭一
百不準折贖常人枷三月鞭一百至家人將伊
自置僕婦故縱為娼亦枷三月鞭一百其主不
知情者繫官降一級留任仍罰俸一年常人鞭

一百知情者繫官革職枷一月鞭一百常人枷
三月鞭一百族長繫官罰俸一年常人鞭一百
領催鞭一百驍騎校罰俸一年佐領罰俸六月
叅領罰俸三月都統副都統罰俸一月城內交
與步軍統領翼尉協尉副尉步軍尉察拏若不
行察拏或被旁人拏獲步軍尉罰俸一年協尉
副尉罰俸六月翼尉罰俸三月統領罰俸一月
○又定旗人私往各處借端挾詐囑託營私擾

累平民者繫官革職交刑部治罪常人交刑部
治罪佐領驍騎校知而令去者降二級調用失
察者佐領罰俸三月驍騎校罰俸六月領催鞭
八十若奴僕以事差遣有犯此等者其主知情
故縱繫官革職常人鞭一百奴僕交刑部治罪
至旗人私往各處取債探親者繫官革職常人
鞭一百佐領驍騎校知而令去者罰俸一年失
察者佐領罰俸一月驍騎校罰俸三月領催鞭

五十差遣奴僕前往取債探親者家主繫官罰俸一年常人鞭八十奴僕亦鞭八十其屯莊居住之人並奴僕私自出境亦犯此等者屯領催照在京領催例鞭責該佐領驍騎校在京領催及奴僕之主皆免議○又定城內旗人將誘來人口隱藏在家販賣本佐領驍騎校領催明知匿而不首者佐領驍騎校皆革職領催枷一月鞭一百不知情失於覺察者佐領罰俸一月驍

騎校罰俸三月領催鞭五十至旗下家人將誘
來人口隱藏在家販賣伊主明知匿而不首者
繫官革職常人枷一月鞭一百不知情失於覺
察者伊主繫官罰俸三月常人鞭五十此內各
該管之人或拏獲或出首或犯人自投首者該
管各官並伊主皆免議其城外園內居住家人
有犯此等者將伊主亦照此例議處在屯內住
者將屯領催照旗下領催治罪○又定八旗莊

頭家人在外倚勢害民霸占平人子女威逼人
命把持衙門此等事發繫內務府所轄將該管
官降一級留任繫王公府屬所轄將辦理家務
官降一級留任繫民公以下大小官員家人將
其主降一級留任○又定凡聚衆搶奪路行婦
女及以藥餅撲項邪術迷拐男婦子女將失察
之該汛步軍尉罰俸一年步軍協尉副尉罰俸
六月如八旗佐領下人有犯此等者將失察之

該佐領驍騎校罰俸一年領催鞭八十內府佐
領內管領下人有犯此等者將失察之該內管
領副內管領佐領驍騎校罰俸一年領催鞭八
十○又定旗員拏獲人犯應送有司審理者不
許越俎若繫應行審理之案擅用非刑或將婦
人夾訊者不論致死未致死皆革職該管上司
不據實察報者降二級調用該將軍都統副都
統不題叅者降一級留任若將孕婦擅拶者降

一級調用該管上司不據實察報者罰俸一年
將軍都統副都統不題叅者罰俸六月其番役
兵丁私用非刑害人該管官不能察究者革職
○又定旗員將步軍拏至家中拘禁毆打者審
實革職傷損者革職交刑部治罪染病祭祀嫁
娶燕會行走步軍故意抑勒不放行者步軍鞭
五十因被步軍抑勒即行責打有傷者罰俸六
月○又定佐領非繫公事將佐領下男婦無故

責打者罰俸一年挾雙責打者降一級罰俸一年如因需索不遂責打者革職嚇詐財物者革職治罪○又定閒散人辱罵職官該員不送該管官懲治竟行責打損傷者罰俸三月○又定王公等將旗分之人妄行擾累未經請

旨即行治罪者該都統等據實具奏若瞻徇隱匿不具奏者降三級調用○又定旗員將禁止處番僧私請至家治病令其過宿者革職○又定旗

員因公差遣帶去兵丁有患病事故私行留住
不交彼處該管官先回者罰俸一月○又定旗
員誣告人罪審屬全虛照律分別加等如告二
事以上輕事審實重事審虛或告一事誣輕為
重者皆反坐所刺之罪若告二事以上重事審
實輕事審虛及數事罪本相等但一事告實者
皆免罪○又定旗員初次叩

閤審虛者罰俸九月若已經叩

金史卷一百一十七
閹審虛復稱冤枉叩

閹者降二級調用常人交刑部治罪若於原辭之外復捏造言語叩

閹審虛者除照例處分外繫官再降二級調用○

又定被告證左旗員徧徇捏供誣人至死罪者革職流罪降三級調用徒罪降一級調用杖罪罰俸一年笞罪罰俸六月○又定駐防官貪酷殃民剋扣錢糧被人告發該將軍都統副都統

不即審理者降一級罰俸一年其將軍統轄之城守尉等所屬各官有犯貪酷等款該城守尉等據告即為審明轉報將軍等察覈無將軍統轄者即為審明報部若不即審理呈報亦照此例議處○又定內外大小旗員有闕該管大員簡選擬補時有爭告者將具告之人並擬補之人秉公衡量人材勞績照例辦理如人材勞績不及擬補之人仍妄行爭告者叅奏請

旨交部確察妄告屬實繫官降二級調用常人交刑部治罪若擬補不當經部審出將該管大員降一級罰俸一年○又定內外旗員於引

見時不候

諭旨即將所得功牌瀆奏者罰俸六月○又定世爵官身故該佐領等具保實無應襲之人將

勅書繳部奏明注銷之後原保之佐領等復捏稱尚有應襲之人妄行呈告者革職○又定世爵官

病故已將族中兄弟兄弟之子保送承襲後故
官之妻及族人復將不應承襲之人告請承襲
者鞭一百婦人照例折贖族人繫官降二級調
用若承襲世爵有舛錯等弊將含糊出結官降
一級罰俸一年○又定凡應承襲之世爵遺漏
未經承襲者承辦官罰俸一年該管大員罰俸
六月○又定

京城內外黏貼匿名揭帖該步軍尉等不即察拏

別經發覺將步軍尉罰俸一年協尉副尉罰俸
六月翼尉罰俸三月統領罰俸一月○又定旗
員將已嫁之女經部斷不準離異仍留在家不
送回者罰俸兩月若已斷離異不行領回復行
強送毆墻者罰俸一年○又定旗員家人犯賊
其主不知情失於覺察者降一級調用○康熙
二十三年議準旗員因事蚩緣餽送禮物與者
受者皆革職提問如餽送雖未收受並未出首

後經發覺將不出首官罰俸一年○三十八年
議準旗員宿娼者革職姦家下有夫之婦者降
一級罰俸一年姦軍民妻者革職強姦軍民妻
及姦官員妻者革職治罪拏獲姦夫姦婦私放
者罰俸一年得財者革職○又議準旗員將有
夫之婦知而娶者革職不知者免議○雍正元
年奉

旨旗員為外吏者每為該旗都統叅領各官所制自司

道以至州縣於將選之時必勒索重賄方肯出結咨部及得官後復遣人往其任所或稱平日受恩勒令酬報或稱家有婚喪等事緩急求助或以舊日私事要挾至五旗諸王府不體下情分外勒取或縱管事人肆意貪求種種勒索不可枚舉以致該員竭蹶餽送不能潔已自好凡虧空公帑罹罪罷黜者多由於此嗣後如有仍蹈前轍恣意需索等弊許本官據實封章密詳督撫轉奏督撫即據詳密奏倘督撫瞻顧

容隱即許本官封章揭都察院轉為密奏倘不為奏
聞即各御史亦得據揭密奏務期通達下情以除積
弊外任旗員勿得隱忍畏懼朕不治以干犯舉首之
罪○又議準八旗賞給兵丁之物該管官侵欺者革
職交刑部治罪同官明知侵欺於部問時不據
實直供者降二級調用若並不知侵欺失於覺
察者罰俸六月○十一年議準旗員科斂所屬
官兵財物入已及餽送人者皆革職計贓治罪

若因公朋扣財物不入已者為首降一級調用
為從罰俸一年至並非因公或一時朋扣財物
並未入已為首者罰俸一年為從者罰俸九月
乾隆六年奏準在京八旗及外省駐防衙門
在官兵役指稱公事犯贓該管官知情者革職
失察贓至十兩以上者降一級留任不及十兩
者罰俸一年

欽定大清會典則例卷一百十七